

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA

Broj: 02-02-7-1300/16  
Sarajevo, 30.6. 2016. godine

**Z A P I S N I K**

**Tematske sjednice Doma naroda Parlamenta Federacije Bosne i Hercegovine,  
održane 30. juna 2016. godine**

Sjednica je počela u 14:00 sati.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, potpredsjednicu Federacije Meliku Mahmutbegović, premijera Federacije Bosne i Hercegovine, Fadila Novalića, zamjenike premijera Federacije, ministre u Vladi Federacije, potpredsjedavajućeg Predstavničkog doma Parlamenta Federacije, Mladena Boškovića, direktore i predstavnike kliničkih centara i univerzitetskih bolnica, predstavnike federalnih zavoda zdravstvenog osiguranja i reosiguranja, kantonalnih ministarstava zdravstva, predstavnike medija, međunarodne zajednice, predstavnike nevladinog sektora i goste.

Izostanak sa sjednice opravdali su: Sejo Bukva, Mladen Lonić, Slađan Ilić, Segmedina Srna Bajramović, Željko Mirković i Draženka Subašić.

Na osnovu evidencije Stručne službe, predsjedavajuća je konstatovala da sjednici prisustvuje 38 delegata, što čini većinu, te Dom naroda može raditi i punovažno odlučivati.

Predsjedavajuća je podsjetila delegate da je Vlada Federacije dostavila Informaciju o stanju u zdravstvu u Federaciji Bosne i Hercegovine kao osnov za održavanje današnje sjednice.

Predsjedavajuća je na osnovu rezultata glasanja konstatovala, da je Dom naroda Parlamenta Federacije Bosne i Hercegovine, sa 35 glasova za, usvojio sljedeći

**D N E V N I R E D**

**1. Informacija o stanju u zdravstvu u Federaciji Bosne i Hercegovine**

Informaciju je dostavila Vlada Federacije Bosne i Hercegovine.

Informaciju su obrazložili federalni ministar zdravstva, Vjekoslav Mandić i pomoćnica federalnog ministarstva zdravstva, Snježana Bodnaruk.

Domu naroda obratili su se: Davor Pehar, direktor Zavoda za javno zdravstvo Federacije Bosne i Hercegovine, Harun Drljević, predsjednik liječničke komore Federacije Bosne i Hercegovine, Erna Suljić, uime Kliničkog univerzitetskog centra Sarajevo, Ante Kvesić, direktor Sveučilišne kliničke bolnice Mostar, Nešad Hotić, direktor kliničkog - bolničkog centra u Tuzli, Rasim Skomorac, direktor Kantonalne bolnice u Zenici i Spomenka Hadžić, predsjednica Udruženja oboljelih i liječenih od karcinoma dojke "Renesansa" iz Sarajeva.

Predsjedavajuća je, zatim, otvorila raspravu.

U raspravi su učestvovali: Josip Mioč, Mirvet Beganović, Slaviša Mihajlović, Lejla Imamović, Aner Žuljević, Jasenko Tufekčić, Goran Akšamija, Emir Frašto, Ismet Sarajlić, Tomislav Martinović, predsjednik Kluba delegata hrvatskog naroda, koji je uime Kluba predložio zaključke, Muhamed Kozadra, Rasim Dostović, Fuad Hadžimehmedović i Osman Ćatić, predsjednik Kluba delegata bošnjačkog naroda koji je uime Kluba predložio zaključke.

Nakon rasprave, Kolegij doma naroda je održao konsultacije. Nakon toga, predsjedavajuća je konstatovala da je Dom naroda Parlamenta Federacije Bosne i Hercegovine sa 31 glasom za i tri uzdržana glasa usvojio sljedeće

## **ZAKLJUČKE**

1. Dom naroda Parlamenta Federacije Bosne i Hercegovine usvaja Informaciju o stanju u zdravstvu u Federaciji Bosne i Hercegovine, te zadužuje Vladu Federacije Bosne i Hercegovine i Federalno ministarstvo zdravstva da izradi i u parlamentarnu proceduru uputi novi Zakon o zdravstvenoj zaštiti.
2. Dom naroda Parlamenta Federacije Bosne i Hercegovine zadužuje Vladu Federacije Bosne i Hercegovine i Federalno ministarstvo zdravstva da u sklopu cjelokupnih aktivnosti restrukturiranja zdravstvenog sektora hitno izradi i u parlamentarnu proceduru uputi Zakon o finansijskoj konsolidaciji javnih zdravstvenih ustanova u Federaciji Bosne i Hercegovine.
3. Zaduguje se Vlada Federacije Bosne i Hercegovine da, u skladu sa članom 61. Zakona o zdravstvenoj zaštiti Federacije Bosne i Hercegovine, donese plan izvršenja obaveza finansiranja zdravstvenih ustanova kojima je osnivač ili suosnivač Parlament Federacije Bosne i Hercegovine.
4. Zaduguje se Vlada Federacije Bosne i Hercegovine da do donošenja Zakona o finansijskoj konsolidaciji javnih zdravstvenih ustanova u Federaciji BiH odgodi primjenu rješenja o ograničenju prava raspolaganja novčanim sredstvima na računima poreznih obveznika izdanih od juna 2016. godine.

5. Za realizaciju zaključaka zadužuje se Vlada Federacije Bosne i Hercegovine i Federalno ministarstvo zdravstva, uz obavezu nadzora provedbe zaključaka i dostave izvještaja o realizaciji Zaključaka po isteku roka od 90 dana od datuma objave u „Službenim novinama Federacije BiH“.
6. Ovi zaključci bit će objavljeni u „Službenim novinama Federacije BiH“.

## I N I C I J A T I V E

1. Izvršiti prijenos naplate doprinosa po osnovu zdravstvenog i penzionog osiguranja sa Porezne uprave Federacije Bosne i Hercegovine na Zavod za penzijsko osiguranje Federacije Bosne i Hercegovine i kantonalne zavode penzijskog osiguranja.
2. Zadužuje se Vlada Federacije Bosne i Hercegovine da dio prihoda od akciza i trošarina koje se naplaćuju na alkohol i duhanske proizvode, a koji su prihod Budžeta Federacije Bosne i Hercegovine, dijelom preusmjeri za sufinansiranje sekundarnih i tercijarnih zdravstvenih ustanova u Federaciji Bosne i Hercegovine.
3. Dom naroda Parlamenta Federacije Bosne i Hercegovine poziva predsjednike kantonalnih vlada da postojeći sistem paušalnog plaćanja zdravstvenih usluga zamijene sistemom u kojem će plaćanje pratiti pacijenta i izvršene usluge.
4. Uspostaviti principe i kontrolne mehanizme za ravnomjerno raspoređivanje i trošenje finansijskih sredstava u oblasti zdravstva u Federaciji Bosne i Hercegovine.
5. Izjednačiti status svih korisnika zdravstvenih usluga u primjeni i korištenju prava na ostvarivanje zdravstvene zaštite u svim kantonima.
6. Poboljšati status zdravstvenih radnika kroz kolektivni ugovor i definirati plaće zdravstvenih radnika kvalitetom i brojem usluga, kao i stepenom zadovoljstva pacijenata.
7. Zadužuje se Federalno ministarstvo zdravstva da, u saradnji s kantonalnim ministarstvima, izradi jedinstven Registar zdravstvenih radnika.
8. Preduzeti adekvatne mjere za unaprjeđenje i poboljšanje rada na svim nivoima zdravstvene zaštite (primarna, sekundarna i tercijarna zdravstvena zaštita) te jačati primarnu zaštitu i porodičnu medicinu.

9. Dosljedno uspostaviti i provoditi "Kontrolu kvalitete i sigurnosti zdravstvenih usluga", uvođenjem Protokola o pružanju zdravstvenih usluga u liječenju i postupaka u ophođenju sa pacijentima.
10. Odlučno i beskompromisno boriti se protiv korupcije u zdravstvu na svim nivoima.
11. Razdvojiti rad u privatnom i državnom sektoru uz jačanje javno - privatnog partnerstva.
12. Izvršiti reviziju esencijalnih lista lijekova uz uvođenje kontrolnih mehanizama propisivanja lijekova.
13. Inicirati formiranje Agencije za zdravstvo na nivou Bosne i Hercegovine.

Predsjedavajuća je pripadnicima islamske vjeroispovjesti čestitala nastupajući praznik ramazanski Bajram.

Sjednica je završena u 17:50 sati.

\* \* \*

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALA

Lidija Bradara